

聖宋名賢五百家播芳大全文粹卷第十五

賀啓

師保

賀文太師啓

李成季

光膺策命入拜師臣三公惟人大厦有棟樑之任一相處內四方如泰華之安天扶聖君人望元老歡樂精神之會流通上下之情禮無與隆時所罕遇恭惟 某官孕靈嶽秀配德坤元器深厚而有容道直方而不撓武足以戡定亂略文足以潤色聖謨可託大事則社稷之臣不親細務則帝王之佐進人如已愛物以情碩畫嘉謨撫寧於華夏陰功隱惠享感於神明故能業亮四朝身兼五福出入將相幾四十年古今動勞無一二輩屬真人之嗣服攬庶事以圖新謂國軍禁令有未決之疑左右輔弼皆後來之俊俛辭留鑰入造內朝集冠蓋於都門羅籜養殮於候館衮衣已往難留洛水之舊邦皓首復來共識仁皇之真相龍光疊被衢路榮觀于今

熙河之餉餽其艱深夏之疆隅未復不足者九年之食已傷者百姓之財將冗而卒驕吏繁而負溢水賴著龜之舊德克開社稷之遠圖俯陪調鼎之司獨踐位槐之地壽考之美方邁德於汾陽禮樂之功更仰成於姬旦其素惟鄙昧久荷獎提台座燦煌悵披雲之在望駑蹠疲曳但服駕以長鳴

賀蔡太師啓

崔公巽

伏覩詔制正月一日大慶殿朝賀受傳國八寶太尉冊拜太師者仰止三朝之老尉為萬乘之師裂以山川世胄之封崇以鈇鉞專征之器貴窮人爵克享天心古者天子有七人之爭臣太師首三公而論道所以儀刑海內輔導帝躬嚴朝廷則爵為達尊事德義則貴有所屈成湯先學於伊尹必有所不召之臣穆公無人乎子思不能安長者之側有來命世之哲以起非常之功恭惟太師道濟彌綸文能經緯非予覺之誰也豈曰友之云乎王曰嗚呼父師作祗命周公之冊余惟克邁乃訓繼舊學甘盤之賢極名器則禮敬益隆咨典刑則老成為重就訪大事必先博史之乞言俾乘安車參用黃門之設几底于五典論厥九疇以鎮定如巖石之瞻以博厚若阿衡之倚一國之巨室所慕為政不難天下之大老來歸其子焉往用能制作禮樂頒度量於明堂寅亮聖明受泰元之神筮肇稱寶玉於赫稜容然而無競維人惟德其物昔有倚相能道訓典晉大夫失問於白珩子反善理兵戎秦使者改觀於和璧不有君子將焉取斯洪惟熙洽盛治之聖朝相以瑰瑋光明之人傑光于史冊配君陳畢命之書載之聲詩詠嵩高丞民之雅

賀劉太師啓

石敏若

帝制坦明誕布外朝之聽師垣峻極有嚴上宰之班極名數以稱格天之功隆體貌以示尊賢之等名實之加四達爵祿之報兩崇成命式孚有生胥慶伏以神文廣運若臯陶則見而知之聖武布昭舉伊尹不仁者遠矣允若君臣之同德能致帝王之極功自古以然於今為盛恭惟某官才貫三極智周萬微每見之於未形

常行其所無事道合聖賢之用舍身係社稷之安危天眷有邦界斯民之嘉靖帝選于衆越諸老以登賢作興於一時之間超軼於千載之上治成德備而百度理施博制廣而四夷賓質之於詩書而有誓告之於神明而無愧嗣奉緝熙之典丕承燕翼之休協三代受命之符厚其戩穀作八瑞鎮邦之寶登以端元方溟澤之均行豈鼎司之可後肆頒顯冊承籲師言位著有光諧師臣之步武陛簾加峻壯王國之尊安伏念某結約亡竒間關少予病瘵何用亦參萬國之春弊帚自珍孰辨千金之享儻未亡於簪履終有賴於鍾鑪望履無階但想鷹揚之表飾辭有腆仰伸燕賀之儀

賀文太師啓

宋 文淵

重膺顯冊榮拜上公委軍國之深機奪亡園之至樂中外胥慶神人以和矧衣被於恩涵豈雷同於至樂伏惟 某官直方而大含洪而光學爲王者之師身在當世之重出秉麾鉞入掌鈞衡堅一德而無二心弼四世而歷三紀草木魚鼈以之而成若陰陽天地以之而泰通功成不居身退自遂於涖得無疑之利於漸爲可用之儀方大人之繼明思厚德以載物還以論道履豐之經邦以鎮安華夷之情以負荷廟朝之寄雖二帝上庠西序三王左學東膠方漢事巨榮之尊魏優王祥之養姑記善於博史或乞言於暇時莫如進退之間獨係安危之大昔望吾君如舜翻然起莘今欲天下一周老不歸魯富簡策難傳之事業有丹青莫狀之輝光某夙範陶鈞生全知翼孤投塞壘遠摠兵戎備斷役以無由望台光而展慶神馳心結意在言殫

賀秦少保啓

汪 彥章

伏頌明詔登用大儒疏榮三少之班正位百官之上生成所及鼓舞斯同恭以 某官言合六經學包萬古由周公傳之孔子獨承師友之淵源惟尹躬暨于成湯適應君臣之期會久借本兵之重多輸納誨之忠方功名未究於經綸舉中外皆形之歎息蓋文物於斯爲盛欲平治捨公其誰故除書甫降於九天而和氣遂充於

四海其早蒙知獎叨被使令逢恩寵之鼎新預生靈之鈞播雖官
聯在遠莫能陪多士之班然謠俗至公當採作蒸民之雅

賀秦少保啓

鄭敦夫

玉檢告成載篤中興之緒麻綸敷旨茂昭夾輔之勳祇服龍靈函
躋寅亮臚傳所旣具公議攸歸少保大觀文吾道宗工斯文先覺
規模國器士業相門吐論皆前輩之風流落筆非後來之氣格飛
英騰茂決科獨步於一時盡忠竭嘉致身橫飛於兩地贊廟謨而
底定纂聖統以承休惟昔彝儀禮素隆於列辟矧茲異數位宜
進於貳公未盡曠庸更陪衍賦某自惟朽鈍素出甄陶盛事會逢
尚阻南州之小壘喜懷增劇莫隨東閣之後塵展慶無從馳情
惟切

宰相

左相

賀韓丞相啓

唐子西

顯奉制麻延登宰席播騰九有懽慶一辭竊聞考光龜以斷大謀
不如舊德指喬木而稱故國未若世臣才猷夙著於廟堂名實已
隆於天下故社稷因之而倚重而朝廷恃此以稽疑恭惟某官
器重海涵神清玉粹天資俊稟有仁民愛物之心家學所傳皆論
道經邦之術藹揚令聞坦涉亨途頃任樞躋謀已深於漢幄出臨
闡寄澤未溥於商霖政地久虛僉言允屬值聖朝之嗣服思輔相
以迂衡召還三遷遂宅百揆韋平盛事固無愧於古人房杜全功
誠責全於今日必將盡發曾中之蘊庶幾大慰海內之心某承乏
遐陬側聞除日阻遠潭潭之府莫趨兩兩之階叢莽扞寸誠難形
尺牘

賀左丞相啓

李成季

拜命大庭分聯左揆天人相與君相並興千載一時永契太平之
會四方萬里共蒙生氣之和竊以舜帝舉臯陶而竄不仁高宗
命傳說以求古訓因先王而為政為天下以得人竦佩遺風復見
今日頤安危之所繫宜上下之稱歡恭惟某官名世真儒生民

先覺稟三才之氣思則無邪以四海爲心達則兼善智大而必先
於遠致行高而不可以小知未嘗枉己以直人豈憚屈身而伸道
三諫不聽漠無干澤之私萬鍾何加惟有養恬之樂屬大明之紹
服講庶政以圖新急聞至言優禮元老以公議而自處爲衆人之
不能匹夫未安深軫納溝之念至誠獨立靡懷濡足之憂故進賢
退惡而多士歸心興利去害而庶民不議果膺睿澤參秉鈞衡
飛鴻之遇順風已如夙志大旱而作霖雨咸賴我公益扶萬世之
安永尚一人之慶某猥叨憐遇倍切懽愉限守州符阻造台屏

賀趙丞相啓

張全真

伏審決定大策建中興不拔之基褒賞元勳正上宰久虛之位王
廷孚號海寓交歡竊以赤舄袞衣美征東之姬旦命圭相印答平
蔡之裴公播在聲詩光于簡冊况郤馮陵之巨敵有開恢復之宏
規示不勸於羣工宜首膺於異數恭惟 某官直方而不撓敦大
而有容獻納論思夙著排姦之節贊襄輔弼尤高經遠之謀惟光
武能推赤心而絳侯可屬大事會羽書之遽至奉革輅以徂征師
律一新坐據江山之險捷書屢上幾成京觀之封致醜類之宵奔
本嘉猷之辰告躬鵬賈勇雖多李廣之無雙拍獸收功誰出蕭何
之第一宜班宸綍首冠台躔舍爵之賞旣行歸疆之期可待某逖
聞誕告喜越常情昔忝同升謬託金蘭之契老思自放願諧丘壑
之求頌詠之私敷宣曷旣

賀湯丞相啓

熊子復

伏審褒異真儒躡登元宰熙帝之載早並列於泰階秉國之均首
進顯於魁柄經綸雖久潤澤惟新恭惟 平章僕射相公毓粹昭
回儲精峻極翔蛟龍躍虎鳳炳焉華國之辭閉雷霆藏風雲渾然
經世之度冠殊科而挺出歷要路以橫飛勢不倚於冰山望自隆
於巖石絳灌雖毀不能使文帝之疑禹山旣除宜首用弱翁之相
粵從樞筦躡正冢司彌縫萬機粉澤百度勒成曠典述不顯之文
謨結好殊鄰示允懷之漢德崇儉以省國用惟公以收人材果疇

專美之功遂陟久虛之位身榮上衮心協前旒昔神文享國之長
緊宰相得人之盛然天聖之修直錄乃王文穆之持綱而慶曆之
申遼盟乃呂文靖之當軸節冗費則賈魏公首建其議抑親黨則
章郇公自守其謀雖舜帝之有五臣足誇當世然周公之施四事
并掩前人宜乎史臣殫簡牘而屢書文士極翰墨而交頌况萬世
遇大聖方垂拱而仰成於一代為宗臣每彌縫而藏用浩若元氣
運于太虛人莫測其端倪物陰被其膏澤其早窺崇仞遠託洪鈞
名則其微半世選舉而始得學雖不輟過時勤苦而難成儻蒙造
物之憐獲免抗塵之賤則專具筆札盡心力於斯文率作歌詩尚
形容於今日

賀蔣丞相啓

洪景伯

伏審還位中階進居首鉉簡在上帝夙膺柄用之專圖任舊人起
副具瞻之切郵傳四出廟筭一新竊以舜以不得臯陶慮萬機之
之或壅湯則有若伊尹諒一德之相依惟其實係安危於身故去
猶失左右之手本朝為盛前輩可稽趙韞王奪服於建隆之間式
遵古誼富鄭公牢辭於嘉祐之後第鬱師虞蓋遭亦事者務度
其宜而為忠臣者在移其孝恭惟 平章僕射相公著龜先育柱
石壯猷應變成務而挺有祖風同寅協恭而其稱上意如丙吉之
按邊瑣既預科條若崔相之除吏負更公薦舉方任秉鈞之重遠
罹陟屺之艱位雖去於巖節眷益深於黼宸肆舉奪情之典益
疇佐命之勲家事雖勤詎可辭於國事人心既悅宜逐格於天心
豈但復於中臺仍更陞於上衮况十事說天子已前定於規摹則
一代為宗臣庶永扶於基業其猥貳九卿之列忝居百職之間宣
制于廷共儒紳之相慶立班于路迎相衮之來歸敢再扣於崇墉
輒自通於竿牘攘振弱植方依僊宇之摩空纏緋輕帆或助神舟
之濟海

賀劉丞相啓

劉夷叔

榮膺策命進掌綸衡十行傳於置郵四海為之歌頌竊以爰立之

任從古所難宣帝中興之功惟丙與魏明皇屬精之治非宋則姚
吉流於懦而相失之嚴崇溺於權而景寤於用雖茂美績誠非全
才故明皇愧於守成而宣帝甘於雜伯致君同堯舜之盛接武繼
臯鼈之賢治本得人朝廷增重恭惟 某官忠勤許國康濟乘時
溯遊於道德之淵源潤色以詩書之華藻主上撫艱難之運受重
寄於祖宗大臣以康濟之資報異恩於君父屬雅懷而素定注上
意以仰成天地鬼神明其心鳥獸草木均其賜某受知最厚念咎
方深睹端揆之得賢喜宗桃之蒙福夙興夜寐敢忘庇覆之恩飲
水曲肱與享太平之樂

賀左丞相啓

何子固

伏審誕告帝庭崇登宰席君臣一道夷夏均休恭以 某官天掖
英才人資先覺神明意用足以官使有造之俊髦談笑發揮足以
酬酢無形之事變參元豐之法從冠紹聖之辭林道德文章一世
宗匠言議風采四方表儀出處係天下之重輕卷舒爲君子之消
長起從琳館服在巖廊夷考嘉猷峻躋揆路蓋聖賢之相得若旦
莫之可期豈思歲月之功始協雲龍之會故有虛選衆必屬臯陶
而湯后格天實資伊尹觀神考所以遺公於今日之志與執事所
以致忠於本朝之心方且振起頽綱音完舊典大備一王之制作
追還三代之規模必使壞植散羣紹闕休於先烈豈徒興滯補弊
收近效於當年遂格元勳益隆昌運是爲天意豈獨人謀所以神
感淵衷潛發文王之夢帝思碩德式迎公旦之歸事映古人道光
簡策某詩書淺學口耳近功掃舍人之門未塞依歸之願望平律
之館空馳夙夜之心雖抃發中情誠並竭

賀左丞相啓

孫仲益

大庭作命揆路陞華鼎鉉不移首冠九官之右台符增煥益隆四
海之瞻某聞解琴瑟之絃所以正五音調鼎鼎之實所以齊衆口
蓋習治久安之弊而翫歲愒日之多蟻穿弗填有潰隄扶石之憂
蔓草不圖爲錯節盤根之患悼折肱之已誤頌及掌而奚難戒覆

車之轍則安焉易敗者之兵則勝矣恭惟 僕射相公受天大任
為國元臣屬當宁旰食之初承前人覆餗之後鍊五色之石而欲
試補天之手儲萬金之藥而共推鑿國之工剔除邦蠹而復睹清
明救療民莫而一消疫瘵不冒惟新之化獨高再造之勲書郭中
令之考而與國均休享衛武公之年而與民偕樂頌言如此輿論
所同某枯朽陳人伶俜末路久託林居之陋側聞廷渙之傳倍深
喜躍之情實謂知憐之素惟宰路播洪鈞之大每懷藜藿不採之
恩而神山隔弱水之遙詎復雞犬同升之望

賀葉丞相啓

熊子復

伏審宸衷圖舊廟筭倚平大老遄歸方總機廷之重真儒柄用首
躋鉉席之崇朝野具瞻華戎咸賴竊以率直而錯諸枉舜湯所以
君萬邦舍藏而用則行礼顏所以師百世既聖主察流言之害宜
元臣當注意之隆破斧而缺錡戕詎損周公之德濟川而作舟楫
迄資傳說之功恭惟 平章僕射相公任重降天才高命世蚤膺
親簡徧歷從途封駁无私事必參於典故銓擬有叙時更立於章
程逮進貳於弥綸果深裨於綜核功高眾忌日月無得而踰道有
自將風雨不改其度几焉暫聞於去國介圭復見於來朝張良運
籌已獨優於三傑魏相總職且首贊於万機豈特輔重華協帝之
勲正當究上策禦戎之備苟政刑明于間暇有要有倫則道德成
乎安強无侮无拂遠追景德祥符之烈近述熙寧元豐之摹某蚤
出門墻叨居省戶路車乘馬方瞻入覲之容袞衣繡裳亟聽登庸
之典既班庭而旅夔猥執贖以寓誠廣厦万間已幸幷幪之庇洪
鈞一氣尚希块土之陶一

賀趙丞相啓

毛伯穎

光奉制書進登揆席得力救而先五帝克贊皇猷命傳說而摠百
官大凝臣績尔書誕告輿頌交欣竊以炎運中微阨會偶丁於百
之洪圖未艾咸登方繼於五二將隆再造之勲必賴非常之佐帝
思俾义大拯橫流民其尔瞻仰高嚴右儼匪過人之英傑孰隆不

世之功名而况我狄貪憚既稔豺狼之惡師兵簡練久韜熊虎之威宜獨制於中樞用克清於大數師直為壯莫高孤偃之謀唯斷乃成實繁斐度之用摠兩朝之宿憤折萬里之遐衝讀命彤庭始僉同於九列申威紫塞遂震疊於四夷大哉聖謨恢此賢業恭惟某官智周天緯文貫民彝躋君子之中庸蹈賢人之久大敦詩書而悅札樂緯有成謀定社稷而安國家自其素蘊道乎天下之模楷蔚為朝廷之羽儀荐更二府之榮獨任四方之責撥亂世反之正微斯人誰與歸簡在帝心授以魁柄運動樞極法太微三光之庭振理網維清文昌万化之本式是百辟格于皇天錫秬鬯以告文人召伯猷万年之頌受彤弓而揚休命晉侯陳三觀之儀勳德兼隆古今莫二某孚尋陋質樸邀散材金馬石渠嘗造行朝之表著銅魚竹使自淪遠郡之簿書曷聞才館之開願備洪鑑之託塵頭鼠目難逃冰鑑之明馬教牛溲或備藥籠之用

賀秦丞相啓

汪彦章

延揚乎號國拜元公有道而守四夷方懋中興之業好要而論一相寧湏夾輔之勳天意會同人心闡擇恭以某官運逢真主志在生民聚精神帷幄之中絕躰貌簪纓之上安危大計孰堪舉國而聽焉前後數公方見得君之專者積三載處中之望副九重虛左之求魁柄不移衮衣增煥方且收威權於王室示風采於敵人取河北一百餘州今其時矣書汾陽二十四考行且見之公久託洪鈞欣聞顯冊屬拘縶於乘障阻趨走於班庭歲筭將中廟堂多暇冀慰鼎茵之節永為宗社之休

賀張丞相啓

晁之道

恭審渙號大廷晉陞良弼宸衷簡注見擢用之得人國勢尊榮知治安之有日伏惟慶慰切以君臣相遇古今至難玩歲愒日則必悔於噬臍趨事赴功則每虞於掣肘故時君克斷斐度所以成功而朝議多違羊祜不知如意自非天意悔禍人謀允臧則何能用大度之言予以啓中興之運恭惟某官竒才命世妙略濟時洗

日咸池功素高於社稷捫參蜀道名已振於蠻夷雖更夷險之殊
不替終始之遇屬僕羽檄趣下鋒車復正位於鈞衡仍撫師於疆
場運籌可帷幄而決勝於千里致醜虜之宵奔端委廟堂而爲準於
百僚副輿人之夙望實推圖舊何止策勳伊尹一德以享天心無
間然矣漢高五載而成帝業尚切遲之益堅帶礪之盟增煥鼎鍾
之勒公辱知最久贊喜尤深聞海相從已熟衰殘之迹荆溪休老
願諧退縮之心頌詠之私名言罔既

賀左丞相啓

何文縝

伏審寵錫元勳誕敷明命顯躋峻秩超正上台凡在陶鈞舉同抃
慰恭惟 某官高明純亮博大淵通器周文武之宜道濟功名之
會行其所學致身夔契之間迄用有成躋俗唐虞之上方且增煥
丕承之列發明垂裕之功廣學校以新人材睦宗枝以厚風化大
備一王之制永圖萬事之康分飾師干遠平蠻徼山川失其險阻
冠帶被於遐荒文治既優武功復暢蓋裴度有平蔡之烈不能致
治於太平魏相推佐漢之名尚愧弗通於征伐載推成績獨掩前
人公早以庸虛厚蒙眷將大方塵器使阻造公門懽頌之誠敷宣
罔既

賀魏丞相啓

孫仲益

伏審發冊疇庸揚庭布號赫佐王之學必有漢閣麒麟之勳開負
弼之祥果應渭水熊羆之兆恭惟 某官受天大任躋世中興方
當四十強仕之秋已展九方垂天之羽恢遠大經邦之略極於四
遐運沉深先物之幾妙於百中金甌獻上芝檢疏禁於天下宰一
新文昌万化之源以人中傑迥出漢廷諸臣之右便從黑頭歷郭
令中書之考直至黃髮給孔光靈壽之扶如公者老境蹉跎窮途
括屑墮井誰肯救而又下石焉餘燼寧復然猶有溺灰者卒賴造
膝一言之重俾出填溝九殞之餘洪惟此恩何以論報側聆誕告
尤激懼悚實副卿大夫百執之具瞻豈止愚不肖一夫之私喜

賀左丞相啓

邵公濟

伏審誕膺顯冊進秉鈞衡朝野流傳廟社增重恭惟 某官勳庸
載在王室道德格于皇天持海上之節來歸白首而典屬國起渭
水之濱入輔黃髮而亮武王功蓋一時名著百世取君不及堯舜
茲茂著於嘉猷當饋恨無蕭曹遂無關於聖慮行見鞭笞四夷而
撫侮庶幾振舉百度以仰成輿論所期斯言可必某侵尋暮齒託
備藩維自愧亡竒遂占陽城催科之考庶幾它日及見鄭公仁義
之行

賀湯丞相啓

黃伯淵

顯被絲綸寵還機軸節彼重瞻於巖石炳然載仰於台符禮絕百
僚歡傳四極恭惟 某官乾坤間氣社稷元勳依兩朝日月之見
慶千載雲龍之會坐鎮雅俗江左謂之風流名播遠夷天下繫乎
輕重方當宁力圖於恢復豈巖廊久輟於經綸雖周人無以我公
之歸然謝傳當為蒼生而起以授機破敵固難測於謝安而州詔
指縱將獨決於德裕爰制難於千里之外將信威於兩河之間虜
已在夫目中治可運之掌上公欽聞顯命喜溢卑襟益馳燕厦之
誠緬想鳳池之峻燮調多暇氣序寢清願精寢鍊之調式副簪紳
之望

賀湯丞相啓

宋仲山

對敷宸冊登用冢司依兩朝日月之光華得千載風雲之感會龜
鼎增固朝野寢和恭惟 僕射樞密相公德格天淵忠衛社稷翼
存雷而出震需霖雨以濟商進膺虛左之求深從尊處中之望蓋衣
職有聞惟仲山甫能補之若世事極談見管夷吾無憂矣故威名
獨重於它相而風采益動於遠夷揭機柄以不移煥台躔而愈耀
用真儒無敵天下遂有若周公之功約諸侯先入關中必能堅高祖
之意中興可待遠業攸歸公又托洪鈞欣聆顯命屬遠縻之使
指仍阻綴於賀班九列無堪固難入翹材之館三書欲上願將登
光範之門抃躍之私敷陳罔既

賀張丞相啓

林 豈塵

欽膺宸冊進陟台衡登嚴巖右而具四海之瞻秉洪鈞而為万物之
播平章雖舊渙汗惟新恭惟 僕射都督相公道得正傳天降大
任作傳野之霖以蘇厥旱洗虞淵之日而夾以飛方從鷓鴣閣以重
登詎許鳳池之久奪風操可記想不忘嘉正之名沈厚有謀蓋惟
恐東之老况閔中賴蕭何而鎮撫於天下繫裴度之重輕當乘
君子大有為之時能辨羣臣不可及之事歷中書二十四考其在
于今復兩河三百餘州可立而待某跂聆顯命喜集重衿以青天
白日而知其清明惟春風夏雨而出於造化依炎州而羈迹望光
範以馳情相印命珪雖阻挑林之賀彫戈錫盾願賡淮蔡之歌

賀陳丞相啓

洪景伯

伏審蔽自淵衷寵還魁柄胡人南下運籌思漢傑之才丞相西來
奠枕慰周京之望敵情未戢而先沮師氣不作而自彊切以大寒
而索衣裘雖失禦戎之備巨川而作舟楫豈無濟世之圖是故雍
熙河北交兵而趙忠獻復踐於首台康定陝西用武而呂文靖再
登於元宰玩四夷猶兒戲尔迄底咸寧仰二公若神人然詎令專
美方醜類犯邊而孔棘况冢司虛位以誰籌事有至難類拯溺救
焚之舉人惟求舊屬扶顛持危之才恭惟 少保僕射相公一代
真儒兩朝元老臯陶盛德見堯舜而知之蕭何大功與閔散而爭
矣如非煙祥風而物被緣飾若青天白日而人知清明方慈闈之
倚平值逆亮之送死首顛廟筭用堂上之奇兵坐攻虜營起舟中
之敵國逮相重華而協帝悉將衆美而効君具隆嚴右之瞻勇遂
急流之退大臣惟郭令身獨繫乎安危外國於晉公使每詢其用
否適丁多故允賴壯猷詔札使軺繼催入覲命珪相衮仍即外除
遂荒東魯之封併本西樞之柄方將駕馭諸帥無飛揚跋扈之雄
總領羣公有輔贊彌縫之用庶幾復文武之境土豈但捷秦楚之
甲兵公夙賴洪鈞聳傳華渚嚴節揆策方圖開闢之勳清廟薦
詩願竭揄揚之思

賀左丞相啓

汪聖錫

伏審播告大廷晉登上宰峻班儀於左棘首揆路於中臺四夷聳
聞九鼎增重伏惟 某官賢推名世道富經邦嶽降神而生申實
維周翰帝資弼而得說用作商霖变故屢更精忠弥著掃除內亂
高五龍夾日之勲攘却外虞成一馬渡江之業方輔寧於法駕將
經略於神州貝錦遽興希丹徑去屬分江而謀帥乃扶鉞以臨戎
羽扇綸巾已坐清於妖祲命珪相印蓋疊賞於元功矧獨兼文武
之資宜並注安危之意逮聞虛位果趣賜環非衣之謗何傷有衮
之思咸屬頌乃心王室喜魁柄之重歸而勳力中原佇皇家之再
造天時有待物望攸同人跡滯一涯神馳數仞聆制麻而相慶曾
無瘴海之殊引賓履以交趨獨歎翹林之阻其如瞻頌莫尺名言

賀丞相啓

沈清

八年政府軍國之効昭然一日宰司天人之心允若維相有作繫
時所尊雖上天不肯隱默以生成雖人主不敢忽輕於付與適求
既往率開厥先意令舉世以心知庶使居位而人服或反接木之
風以彰其任德之實或生同穎之禾而告以共政之符或肖形象
而求於巖穴之間或假卜筮而取於漁釣之內聳以其神之迹壓
夫至衆之情處臣鄰之極而天下莫敢望焉得夷夏之悅而賢者
然後安此至若興王之佐欲爲經世之圖每致嚴於始進之時直
有待於衆定而出處莘郊非三聘而莫起卧草廬至屢顧而後興
居東山者甘蟠屈以俟其逢遇黃石者亦徘徊以觀其可落落風
雲之會寥三歲月之傳謂言元首之股肱實係黎獻之耳目聽爾
衆言之可否卜吾國勢之重輕宜茲授受之兩艱良恐信服之不
易欽惟二月之廷制冊拜一朝之宰臣聖皇專御殿以致禮貌之
殊宮禁亟授麻以揚功業之盛百辟肅恭而俯聽班行私語而說
文忠萬姓踴躍以歡傳走卒齊聲而稱司馬士子以主盟之有賴
爭濡毫以草慶曆之歌詩裔夷以夙昔之所聞每遇使而問晉公
之年紀是何普天之下洋洋而有喜色蓋由在位之久事事而合
衆心自初睿主之隆興即仰真儒之特起一紀雍容於從橐歷年

端委於廟堂二十六載之設施雖由聖斷千百萬言之啓沃孰若
公多始以文章而發帝業之光中以鯁亮而主國論之是偉矣敢
言之氣卓然難進之風規模已定於前時問望豈惟於今日追伊
張葛謝之出處起大名於乾道之先奮皇蕙夔禹稷之事功當重
任於淳熙之後而况湛然之清識更尤超爾於人羣視富貴以無
心顧萬鍾何加於我堅持守之有道雖一介不取於人惟踐履行
今世之甚難故敬畏非它人之可比孰不履地望隆獨重於大山
如彼觀天目覩唯尊於列宿以人心歸向而爲輔弼以歲時積久
而茂功名首開闢於治源力扶持於公道舉措動遵於成憲發揮
皆自於聖謨三事遍更萬務畢舉頃參持於國柄辯章斷之以惟
平暨專領於使權績效昭昭而益著逆折胡酋之氣至今巢穴以
遁逃盡清狂士之謀坐使邊陲之安靜世已行者皆久長之至計
日深究者多致遠之良圖作礪之金愈煉而愈精乘國之航愈操
而愈固豐功塞乎天地之大貴名揭乎日月之高其効若斯不相
何待彼昔啓蔽初而欲行已志以多遲疑於向背之間惟我公已
試而深得中情宜茲鼓舞於除拜之日天心克享無煩影響以示
人君意式乎不假勤渠而詔下於皇盛事盡掩前聞恭惟 丞相
佐時聖皇肅古碩輔求諸典籍居相位者不爲無人究厥勲庸如
門下者能有幾數惟宗社遺無疆之慶故皇家得不世之賢矧光
前事業之居多而于今名位之克稱倬彼雲漢旣忻滿月之瞻譬
如北辰共快魁台之指咸願得天而又照殆將與國以同休么夙
被陶成今逢時至念納溝之失所恩已戴於言前儻在野以旁招
願不遺於人後

聖宋名賢五百家播芳大全文粹卷第十六

賀啓

宰相

右相

賀葛知院除右丞相啓

陳安行

居仁

右府五兵之本夙倚壯猷中台萬化之元聳聞真拜舉窟穴黎
元之衆洎措紳韋布之流久矣具瞻茲焉起舞恭惟 特進大丞
相先生圭璧無瑕之器棟梁特異之材智周事物而躬好問之誠
才裕經綸而無滿假之志蚤蜚英於清切旋闊步於禁嚴秋官之
總祥刑民以無犯春宮之位端尹道斯可尊從容辰告之猷密勿
夜前之席遂登丞弼妙筭幾微經武整軍於間暇之時圖事揆
策於笑譚之頃孰相公朝之初政無踰舊學之元臣方將彙進人
才以興起治功厚培邦本以惠綏遐邇邊防必責實而刻具文之
弊吏治必核真而革滋偽之蕪蓋平時抱負之傑然故今日設施
之易耳導以經術陋漢帝之禮望之格于皇天如成湯之學伊

尹某疎庸一介茸陋衆人念黃緣蒙特達之知凡進用率提撕之力茲化鈞之廣播諒鑿質之無遺鸞鳳冲霄正爾仰成於忠力燕雀賀厦豈惟永戴於幘幪依嚮深勤敷陳莫既

賀朱丞相啓

汪彥章

豈布策書寵還魁柄昔周公未復頗遭四國之流言今裴令來歸當使兩河之聽命天下相慶朝廷益尊恭惟 某官望絕摺紳勳書彞鼎學博而知要明古今治亂之原才全而不形得天地中和之氣昨屬羣凶之擾允資一相之謀禍泯胚胎變消肘腋蓋厥初同德惟尹躬之暨湯果於變成功安劉氏而必勃越從分陝久輟焚元帝憂堂陛之勢凌人恨衮衣之歸晚方時多事疇協濟於蕭規宜我老成首先膺於說命再幹洪鈞之化一新巖石之瞻某早辱眷知欣聞登用屬拘縲於印紱阻趨拜於門墻歲律戒寒巖廊多暇異謹寢養之節永爲宗社之休

賀朱丞相啓

鄭載仲

聿膺大冊進拜元台慶本朝之得人相中興之有日傳聞四海驩喜一新恭惟 某官覺在民先行爲世表聲忠嘉而許國赫勳業以格天大勳高牙暫寄九江之屏翰繡裳赤舄端陶萬化之鈞衡出入係皇猷之重輕猷爲實蒼生之性命幹旋大柄熙然春天下之秋恢復中原廓爾泰邦家之否行其素蘊副此具瞻某以守郡符阻趨台屏永言欣頌實倍等倫

賀梁丞相啓

林 豈塵

伏審渙號楓宸奮庸槐位惟龍首八十而五得黃扉衣鉢之傳今鳳曆三百有餘爲清源桑梓之盛傾朝歆艷載路游揚本遠業之攸先實中興之所係竊以黃帝得六相各有使以爲之治成周建三公不必備而惟其人我 皇朝舊制則襲隋唐僕射之名 聖天子更化而復秦漢左右之號繫稱謂之鼎正在注想之深勤房杜之能斷善謀惟深知而相濟姚宋之守文應變斯爲治以同歸聿圖承助之賢協運燮調之化載颺新命式慰具瞻恭惟 某官

道得正傳天畀大任驟然為首洋洋晁董公孫之言懋哉惟時濟濟稷契臯陶之遜方爰立而置諸右於當今所捨其誰履富貴之塗而素所行處功名之地以藏諸用從巖巖石節彼南山之望列布衣嬪然上袞之榮對安輿而起居復見回班之禮扣閣門而關白坐聞宜祿之呼故事一新師言胥慶某側聆異數喜溢叢朥於雖溝渠無望於青雲然奴隸皆知其白日俸祿給以衣食將不志數年封侯自見之恩冠劍拂其塵埃敢竊効三日待公奉酬之詠其為欣抃曷既敷陳

賀魏丞相啓代

熊子復

伏審妙簡前旒嬪躋上袞論相為重久稽夢卜之求得君既專亟峻鼎槐之任萬機有助百辟無譁竊以泰符相比於天階宰職共持於國秉官不必備或曠歲以久需人皆曰賢則崇朝而並拜仰稽昭代卓有宏模景德之缺位累旬始同除於寇異熙寧之虛席數月方對任於王韓邈前後以罕聞亘古今而僅見恭惟平章

僕射相公自天降任與世作程杖節申盟夷狄叩五原之塞揮毫演誥文章追三代之風逮登贊於經綸亦兼陪於宥密詠天保采薇之什克佐永圖較神爵甘露之年聿彰成績果膺枚上益副具瞻陳五利以和戎已繼家聲於莊子同一心而輔政更追止績於弱翁庶臻復古之勳茂建格天之業是為希曠孰與等倫某自攝使於都畿及為郎於省戶皆由恩紀未有報圖茲聆大號之揚寔倍常情之喜萬間廣廈已幸莛於帡幪一氣洪鈞尚冀陶於坱圠

賀陳丞相啓

楊萬里

登庸正人使宅次輔非難得宰相之位進賢則其國安不必問太平之期用公則其効敏天有所待世或未知恭惟其官績涖泗以後之淵源追唐虞采遠之人物動容貌以肅天下已皆起風舉夷夏而直習中了如觀火召來兩地亦既三年所挾愈大而合愈難求去者堅而留者衆觀其守道之如許不付之大事而其誰用之小遲是以國人懷不滿之意試之既効然後明主有必信之

心右席久虛君子是荷宜有遠略用宏雋功治道無它正在一正君之妙學敵人易與終將九頓首於大庭某自知其迂敢速於售抱賈誼積薪之疏空有狂言哦少陵看鏡之詩真成半老獨特知已不虛此生北道之秉洪鈞豈謂千齡之遇東閣之來衆彥未應一士之遺

賀右丞相啓

王宣子

伏審誕宣中制播告路朝褒言增袞綉之華進秩付魁衡之重凡居陶冶罔不忻愉伏惟 某官高華並高淵泉含潤稔昔古之力純粹以精緻君之心直方而大潜有上前之啓沃發爲天下之輝光丙魏扶本始之隆姚宋翼開元之盛不猶一體相待而成雖曰二人同歸于治果被都俞之命更升顯奕之階位冠疑承功禪造化其屬分符竹難望履復其素顧頌詠以何勤豈編摩之可究

賀范丞相啓

秦少游

光奉明恩進陞右弼伏惟慶慰共以 某官器兼文武學備天人出處繫一時之安危議論爲四海之輕重臨大節而不奪雖小善之必爲荀氏羣龍慈明爲最河東諸鳳伯衰尤奇投閑散而問望俞隆涉真愈而精誠益壯果濟世美簡在上心昔執鳴樞旣致干戈之戢今居端揆何難禮樂之興坦然衆正之路開行矣太平之責塞其叨分符節辱在陶鎔陪班謁以無緣第承風而竊抃

賀右丞相啓

孫仲益

伏審褒進台司誕揚顯冊天佑一德惟尹暨湯運際千齡生申及甫摛紳胥悅黎獻交欣恭惟 僕射相公清明冲淳剛毅沉塞親逢上聖服在邇塗惟文昌萬化之源上熙帝載而僕射百僚之長下竦民瞻果符夢賚之求亟正鈞衡之拜慨七年之旱方資傳說之霖喚十日之寒咸向趙衰之日治道清靜王路坦平聖心仰成國勢增重某門墻舊物湖海餘生辱知感甚於脫驂聞命喜深於折屐衣雖敝而可改常叨起廢之恩冠已挂而莫彈但切歸榮之願

賀朱丞相啓

孫仲益

玉冊時庸金甌獻卜老成人在位朝廷自尊大賢者得時善類交慶竊以履復百年熙洽之運雖章句之儒坐守而有餘當九重宵旰之憂則聖哲之臣馳騫焉而不足惟時用舍實繫安危故委重何啻於萬鈞而幾微不容於一髮視已陳之迹則因陋就寡烏足以有爲建非常之言則駭衆驚愚亦難於慮始班君竒策尚謂平平耿侯大言猶爲落落必盡破拘縲之議乃大收闕闕之功恭惟

僕射相公巖巖社稷之臣挺挺帝王之輔爰屬艱危之守可首膺攷謹之求深惟注意之隆實預扶衰之義於嶽周邦之翰獨專神柄之雄龜蒙魯國之瞻益壯坤輿之重不動聲氣斷大事於笑談之頃不作聰明運沉幾於禍福之先替古道而思有宜於今合衆謀而不必出諸己茲謂中興之佐實爲後事之師某頃備省曹嘗參文柄窺絕足於羣龍之旣仰高名於千佛之經願畿疆有百金之遙詎門墻無一日之雅側聆誕告益竦遐瞻屏迹窮閭願莫下望塵之拜馳書東閣尚能修事大之恭

賀蔣丞相啓

洪景伯

伏審嗣聖簡求真儒柄用官不必備久當機務之煩人皆曰賢遂正鼎司之重仍併顯於宥密寔盡付於經綸朝野具瞻華夷允賴竊以思民被堯舜之澤伊尹自任而不辭願我爲管晏之功孟子當路而必取惟輔相規摹之旣大則朝廷氣象之一新恭惟僕射樞密相公學擅儒宗才推王佐入踐鑿金坡而素優於潤色首陪巖廟而備極於贊襄如摧相之除吏負旣公薦舉若丙吉之按邊瑣亦預科條果登正於宰司用增光於祖烈况十事說天子早已見於責難則一代爲宗臣即遂聞於專美其迹聆宣制猥絆乘輶阻陪賓客之趨曷勝寤寐之喜其如辭訥莫盡意誠

賀朱丞相啓

張全真

伏審大廷敷號舊弼登庸宿望昭宣慰蒼生之傾屬同心翊戴扶黃屋以尊安中外惟愉華夷龍書服竊以九重旰食軫國步之迤邐

四海疚心歡人謀之回適急於赴功則攘臂以事兵力膠於應變則拱手以須天時類失厥中無益於治宜得魁壘豪傑之士以為經綸康濟之圖人固患於難知政莫先於任舊恭惟 某官孳窮道奧識探幾先德度恢宏撓汪之陂而不濁才猷敏達游恢恢之刃而有餘曩敬言躡之時巡倚鈞衡而爰立一德始熙於帝載元兇遽亂於國經八柱承天即正高明之位五龍夾日灼知潛授之功扶顛談笑之餘遠引江湖之上謗書一篋何傷丹衷之深知細札十行旋趣鋒車之入覲邇英書訪宣室夜前衮衣綉裳既喜歸於姐旦命圭相印復加禮於裴公固應展尺於遠狀豈復規圖於近効裕民積粟以固基本詎專兵力之強嘗膽枕戈以修政刑亦戒天時之泥將見運籌帷幄以決勝於千里端委廟堂以為準於百僚沃心清燕之間拭目中興之盛其頃陞從橐嘗蒙慰薦之私比解藩符復忝交承之契仰止燁煌之座稱慶无階蕭然衰病之蹤依歸有所祗聞新命喜倍常情

賀右丞相啓

蒲 大受

伏審中頒紫詔載陟黃扉登用舊人交修庶政維帝攸資實民所瞻固有懽聲徧及率土恭惟 某官望隆柱石明照蒼龜以博通應變之才躋侍從於神考作新之日以夷險不回之操參弼諧於泰陵紹述之時出入三朝裁成百度欲踐繼志之實思聞補衮之言乃自江湖歸參帷幄尚謂密資於啓沃不若顯置於廟堂果敷綸言克協衆聽君陳申命固多生后之猷千秋既封必有富民之効某受知最久被德已深復以遲暮之年再託陶鈞之地適居符竹阻造門闌不勝燕雀賀厦之心竊有大馬亦許之志喜深載躍望極增馳

賀右丞相啓

周 行可

聿膺顯制進拜赫官伏惟慶慰恭以 某官碩德渾剛忠誠隱厚氣節堅平金石功名著於鼎彝決應變之機上所敬憚講順流之法民以又寧江河疏道德之恩藻火明帝王之制邁我一德為時

顯猷考諸朝野而有成功謀之士大而無異論是推茂典以答元
勳嚴扉靚深衣服炳蔚式示具瞻之美足昭爰立之光某夙隸陶
鎔遠聆贊拜終更其邇展慶有時踴躍懦衷倍萬常品

元樞

賀丞相兼樞使啓

毛伯穎

冕旒發悟頌渙汗於九門衣綉來歸揔樞機於二府協朝僉之素
望壯邊瑣之威謀用君子爲邦家之基進善人得天地之紀垂書
誕告輿頌交欣竊以乘龍御天聖主比隆於光武如魚有水元臣
訂美於孔明昭然信順之符盛矣明良之會昔虞騎襲淮濡之
後屬亦奎輿巡浙右之初封豕長蛇肆毒尚憑於牧圉城狐社
鼠嘯凶忽起於蕭牆天步艱難人情睥睨強藩巨鎮莫敢誰何故
老元臣更相歎息相公建義旗而糾合揮憤笏以激昂首倡大謀
盡夷羣醜廓清氛祲再垂日月之光膺受寵榮大啓山河之誓
方且念荆吳之形勢願秦蜀之止游身踐戎行豈憚櫛風而沐雨

心存王室每懷就日以望雲暴露五年憂勤一節流言起於二叔
愈見周公之中年貌問於四夷難淹裴度之用果膺綸命再踐
鼎同舊壁晶而舊鼓旗得臨淮而增重錫弓矢而錫斧鉞褒踐土
以加優不日而成爲天所贊恭惟 某官柔惠且直昭明有赫李
窮百氏之淵源文貫六經之矩矱含章以從王事許身無愧於伊
周達可之謂天民致主每期於堯舜議論必替於皇極經綸悉本於
帝謨致廣大而盡精微獨造真儒之効揔方略而壹統類乃凝哲
輔之勳茲大用於嚴郤遂永清於海寓糾逃王厓旣正藁街之誅
誕將天威遂通榆塞之阻戡夷多難首定中區告九廟之神靈還
兩宮之警衛龍樓問寢盡三朝孝養之歡鳳輦還都受四海貢輸
之富增煥雲臺之象遂陪日觀之封赫然近古以來未若我公之
懿某周旋頗舊扞躡實深桑榆雖迫於頽齡燕雀願棲於巨陰彈
冠結綬尚陪光範之簪裾抱慙懷鈿庶給三昌之筆札

賀丞相兼樞使啓

方雲翼

顯膺茂冊兼領鴻樞冕旒之眷寵深隆簪紱之觀瞻益竦聲傳飛
驛喜浹遐陬竊以三公之尊政無不統二府之設職乃有分東國
鈞則務在乎章處機定則獨司宥密且文事武備之必有固宜合
軍國於一權苟出將入相之可為孰若注安危之兩意恭惟 僕
射樞使相公天降大任道得正傳聳巖石而慰四海之瞻運洪鈞
而為萬物之播汝作舟楫汝作霖雨顧所用之如何視若手足而
視若腹心本相須而無間以人主之職而論乎一相而天子之守
在於四夷將資制敵之能復界本兵之重運籌決勝高祖謂不如
張良惟斷成功憲宗乃能用裴度中興可待遠業攸歸某等在下
風欣聞成命屬處南州之地遠陪東閣之趨且桃李無言緬想成
蹊之舊燕雀主賤敢忘賀厦之情

賀吳樞使啓

汪彥章

恭以 某官厚德鎮浮英材經遠以天地浩然之氣潛養于中於
古今作者之文悉臻其表爰自踐揚之始每勤獻納之忠立朝未
反於中年舉世推為於舊德昨屬殊鄰之擾上貽當守之憂久
烽旣徹於甘泉清蹕將遊於汾水唯公夙夜與國存亡由侍從之
周行決篡承之大計方獨處雷霆之下有難言父子之間雖黃屋
非帝堯之心固宜及此然逆鱗在神龍之頷誰敢嬰之非二三祕
策之前陳使百萬精兵而奚益宜彼軍之喪氣知吾國之有人委
曲請盟逡巡退舍九重根本得英公賢於長城四海生靈微管仲
吾其左社方主上清明之今日實邦家希闊之昌期欲眾賢同建
於事功非雅望孰為於師表將萬世維持之是賴何一時康濟之
足言云云

賀韓樞使啓

汪彥章

光膺詔冊進陟機廷既廊廟之得人知朝廷之能國恭惟 某官
清名籍甚雅望歸然四世五公門閥獨高於天下十事九律計謀

有補於國家徧揚清近之班深結聖神之眷徧翔滋久愈屬實勞
惟豪傑之士無待而興難替經濟况公侯之家必復其始果被東
求其早辱誤知欣聞休命屬拘繫於印緩阻趨造於門墻暑令清
微政塗豐暇冀謹鼎茵之節永為宗社之休

賀呂樞使啓

歐陽永叔

顯膺寵典登進樞廷成命始行輿言僉允伏惟 某官存誠直諒
蹈道中和孝臻三代之英世濟八人之美論思獻納已多補益之
勤謨明弼諧久韞經綸之業三朝眷遇一德老成尚虛黃閣之居
姑正紫樞之位坐籌帷幄方資制勝之謀正席鈞台始慰具瞻之
望顧惟衰朽早辱知憐維與蒼黔同深慶抃

賀王樞使啓

熊子復

伏審渙揚大冊晉擢直儒二柄對持極隆稱於有府萬機獨運助
英斷於嚴宸廟筭一新郵傳四出竊以聖常求於該輔時罕建於
元樞慶曆之佐或統以圖功則必得杜正獻之矯亢皇祐之弼方
權以濟務則亦有龐莊敏之鎮浮如洪河春漲而砥柱不搖若碧
漢夜闌而長庚有爛皆正機廷之使號旋更宰路之官儀我思古
人復見今日恭惟 樞使相公挺生曠代特立清朝渾渾無涯道
極聖涯之遠堂堂不撓才充邦棟之隆方游華禁則特達而徑遷
及處峻廊則周旋而徧歷樞機周密既亮采而日嚴輔贊弥縫每
含章而時發氣塞兩儀而直養无害智周庶彙而曲成不遺姑首
拜具於籌帷即平遷於揆席其早窺崇仞晚托洪鈞固知弗為管晏
之功將盡行於所享况已屢陳堯舜之道尚親見於此時

賀虞樞使啓

耿元鼎

伏審貂璫趣道歷坤維萬里之長袞綉還朝陟乾道元樞之真眷
威名之特盛加體貌以惟隆斷由當宁之心喜動在廷之色邊陲
加肅廟社增榮竊以九德知人莫難乎三事大夫之選五岳揔務
尤重夫六鄉司馬之權必其抱經緯之全才乃可注安危之兩意
况人主職論一相于以簡當軸之賢而天子守在四夷所觀獲偃

戈之慶苟非宿望曷副時命言我公傑立當世諒惟驩慰恭以
樞使相公先生勳高一代名震萬方容止可觀所謂大臣者謀猷
必告豈曰小補哉海揚英雋之躔自結顯昂之卷取武臣二三策
志清中原得結輩十數公天降大任擢自詞林之妙參陪流從之
華督府揮犀嘆夷吾於江左留都典鑰仰肅相於關中丹青旋憶
於老臣閭閻再朝於黃道至每為絳侯而目送謂不得臯陶為己
憂方欣要路之登已遂急流之退重輕所繫難替謝傳於東山
安否何如即訪裴公於西雒乃從綠野超拜洪樞既夙夜以在公
亦朝夕而納誨漢高決勝千里獨子房參帷幄之謀舜帝有臣五
人惟伯禹荷股肱之託嗣聽絲言之出會觀鼎足之承永慰具瞻
共觀爰立某早登崇仰竊拜下風列屬憲臺幸密承於聲教備
負帥幕更叨被於陶鎔當盛事之播聞欲中宵而起舞凡骨念當
家之鼠不隨雞犬以昇天後時慚失旦之雞方効燕雀之賀履其
如欣悚莫究敷陳

賀虞樞使啓

孫正之

伏審上心圖舊中詔疏恩趣駕鋒車擢冠樞省曲才裕國不在茲
乎偃革安邊自今始矣恭惟 某官千齡開出一旦親逢富貴初
非本心功名蓋其餘事明白洞達濁沍貫清滑不可沮而緇碩大
剛方長劔倚太行不待扶而直壘書屢及門而躊躇四顧使軛促
就道而俯僕三辭道之將興豈當仁不讓天之未喪也舍我其誰
勉應側席之求亟正元樞之拜大安國步護諸將於爪牙之雄遠
愴玉靈制百蠻為股掌之玩其空嗟大老莫睹高明比貢蕪辭獨
蒙褒借側聆誕告尤激懽悰東閣加招顧已孤於榮願南山高仰
猶獲預於假瞻欣抃之私占陳曷究

賀王樞使啓

馬子才

誕告明廷延登近弼運籌決勝久分疆場之憂當軸處中遂正廟
堂之位折衝雖舊注意惟新恭以 某官稟氣雄剛受材英特任
心膂爪牙之寄積旂常鼎鼐之勳惟文武以兼資故君臣而默契

昨屬羽書之急親煩幕府之行軍容一陳士氣百倍珍萬里憑陵
之寇安兩淮震擾之民累歲賢勞蟻虱幾生於甲冑一朝醜賞貂
蟬果出於堯鰲其早託餘光欣聞異數偶左府之拘綴阻東閣之
進趨暑令方新政塗多暇異謹寢養之節用承旒宸之休

賀徐樞使啓

李粹伯

光膺寵命入秉鴻樞廊朝自高有人豪之在位搢紳相語喜君子
之得時 某官亨通天人氣阻金石議論文章動臻乎意表死生
禍福不入於芻中兒曹知白日之清明孝者愧介丘之逆遷帝於
裴度寄天下之安危人以謝安卜國家之隆替果陪光輔實父具
瞻其久辱誤知欣聞休命屬守符之拘綴阻賓閣之進趨詠頌徒
深敷陳罔既

賀秦樞使啓

汪彥章

顯膺綸綍峻陟機廷唯賢哲之奮庸實朝堂之增重庶庶所逮
鼓舞攸均竊竊以北斗冠平樞隱垂諸天象夏官撫平兵政著彼國
經當公朝閑暇之辰居右府近密之地仰禪至治允屬英髦共惟
其官智略淵深神丰嶽聳瑞聖時而間出鍾賢運以挺生較藝棘
圍素號人中之傑標多桂籍果先天下之儒爰簡清衷亟躋華賁
掌書祕府典禮奉常翰苑揮毫妙極辭章之選邇英進讀益加躄
貌之隆繫經綸之宏才宜文武之兼用延登帷幄式贊鈞衡方君
臣慶千載之期而父子有同時之遇誠為盛事魯絕前聞某側
聽郵音限居官守想熒煌之座徒劇觀瞻託塊北之鈞愈深踴躍
永言頌詠曷罄編摩

賀王樞使啓

王介甫

璇璣上列齊七政以均和帝袞輔成欽四鄰之基命親逢華旦允
齎宗工恭惟 某官與國忠純爽邦明哲對越光華之旦居然文
雅之宗簡在上心鬱為時棟雍容禁闈嘗密贊於睿謀參貳宰司
多委成於治體奮庸甚盛注意特隆屬恩誥之誕頒分鎮臨之重
寄居留神句為表則於四方寵進樞庭當折衝於萬里聲教所暨

慶抃率同某俯念空疎夙叨存記縮縣章而祗役望君幄以必懷
共聽吉音豈勝至願

賀富樞使啓

毛伯穎

伏審進圖舊德入正洪樞威動殊方慶交多士恭以 某官智周
事表覓動民先卷舒兼文武之謀猷出處格古今之事業尽性之
卒濬游夏之淵源致主之功軼夔龍之軌躅謗讒並起而不失乎
正夷險荐更而愈見其賢乃自江湖進陪軒陛仰迪光明之幸密
資弼亮之謨與其置諸勸講帷幄之間曷若登於折衝廟朝之上
具瞻攸在睿眷弗遠有韓棣華並調金鼎紹八元之逸駕冠二府
於同時蓋惟不世之異人宜錫非常之殊寵益隆勲德永載尋常
其猥以頑真夙叨知遇沉痾疲薶方甘蓬艾之窮居顯渥便蕃增
賁桑榆之莫景悵門墻之阻遠跼蹐寢以增勞忽聽召除果符輿
頌奮起已疲之力願効指蹤圖惟未報之恩更期畢命永言欣幸
寶陪等夷

賀吳樞使啓

葛魯卿

恩霈中宸榮登西府朝廷增重寰宇交驩竊惟宥密之司寶領機
微之務揔理軍政緝熙帝猷鑿斗運而當樞佐天事而尚武中資
廟筭外濯王靈宜得直儒來副異選非有經綸之望曷膺寤寐之
之求恭惟 某官性稟誠明孝該微妙言為邦之興替身任道之
污隆文章百世之宗師風采三朝之元老千齡際運會堯舜之君
臣一體同榮陋機雲之兄弟優承睿眷密膺兵機即展秘於龍韜
自收勲於麟閣國勢永依於柱石民心方庇於陶鎔暫執鴻樞即
居元宰某限拘文禁莫展慶儀徒掃舍人之門阻侍先生之席心
同賀燕仰窺大厦之成志於躍金正倚洪鑪之造其為抃詠寶陪
等夷

聖宋名賢五百家播芳大全文粹卷第十七

賀啓

大參

賀沈參政啓

汪彥章

光膺書契負入秉事樞朝廷無謀國之疑天下有得人之慶昔郵四
達風采一新恭以 某官碩學造微高文行遠房喬敬言敏安危
炯炯於曾中劉向精忠邪正惓惓於筆下暫付維揚之治俄深宣
室之思連趣鋒車遽參魁柄儒術果康於經濟善人斯得於統盟
復七世祖宗之基國須賢立極一時人物之選公為時生某又辱
眷知欣聞登用均茵憑之末尚託他年在陶冶之中敢忘今日歲律
晚巖廊靖深願為宗社以自持常有神明之來相

賀李參政啓

張全真

伏審顯奉制函榮躋政路正人登用固知道之將行善類傳聞殆
欲喜而不寐恭惟慶慰伏以 參政議高慮審學博而造微納忠

不暇於謀身嫉惡蓋由於稟性鑪錘列燭莫摧百鍊之剛霜雪
寒不改後凋之操堂堂侍從之老赫赫蕃宣之勲凜難進之高風
鬱具瞻之輿論公道既闢天意乃回用汲黯於漢庭淮南自定見
夷吾於晉室江左何憂究觀宏規灼見興運惟是上增隆於王德
下博採於真才內銷姦欺朋比之餘外戢跋扈飛揚之漸裁抑奔
競督責苟媮凡此數條諒關深念某支離病骨臃腫弃才謬託交
承之私終虞責任之重蒙成矩矱固無假於施為佚老江湖政有
資於造化餘寒未艾機務方繁益調茵鼎之宜佇正鈞衡之任區
區欣頌實倍等夷

賀程參政啓

張文饒

伏審顯頒詔綽榮貳政幾真賢奮庸寰海蒙福恭惟慶慰伏以
其官神姿英偉識量清夷學推四海之宗工德茂三朝之元老再
掛冠於神武尤高難繼之風兩待詔於金鑾幸賴持顛之略遂由
公望入綏政余上論說無疑而世巨角之縱橫豈敢那不起向如益獸
之在山坐制天驕允資人傑亟贊元於鼎鉉竚績於旂常某爾
然衰蹤託此巨陰念備員於高密實陪賓客之餘茲假守於會稽
獲奉教條之舊未貽吏議殆匪人謀除目播於邇遐驩心陪於夷
等計安宗社側聞帷幄之籌時佚老山林終借齒牙之論屬匄符竹
阻造賓闕

賀曾參政啓

王弼翁

光膺制綽參秉政機帝曰往哉文武為萬邦之憲天其或者太平
當今日之期郵音四傳輿頌交慶恭惟其官博大而氣正峻明
而識高崇論宏議鏗錡乎闕庭雄篇大冊橫絕乎今古銀臺三昧
從耳廊廟之高風金帶萬釘映山川之秀氣攘袂徇國秉羽投兵
裴度躬往視師遂決淮西之勝謝安宴息清寇果收淝水之功識
乙陛之履聲付上流之閫制肆從圭覲益峻巖瞻精神折千里
之衝兢業贊萬機之務有如春注爰契疇咨惟茲四人共迪文王
之務教式是百辟要觀山甫之令儀其內愧迂踈仰崇知遇乞漿

得酒適幸際於豐年點礫成金寶全資於良藥迭聞異數喜倍常倫陳泰階之六符莫親光耀轉洪鈞之一氣終賴陶成夏律清和政途間暇願謹鼎茵之節永為宗社之休

賀揚參政啓

洪景伯

伏審延登帝賚參秉國均大老既歸天下安往有德是進朝廷益尊休聲不約而皆同和氣非召而自至惟皇家之建輔自乾德之裁儀共領朝班纒差丞相之一等通釐省務非特尚書之萬機雖大政之咨未嘗乏其人然真儒之用或有愧於古必成千一之遇如伊尹萊朱見而知焉庶幾五三之隆雖管仲晏子不足為也恭惟參政心潛百聖氣塞二儀學者仰如泰山早擢南宮之首蒼生望為霖雨久期西蜀之來屬親攬於政機亟進聯於法從佩龍淵之錫既引上於星辰演教通禁之綸更助為於雲漢上方慕仁者交鄰而得湯文之道戒功臣任職而全寇鄧之勳內彊百世之本支外定四方之綱紀匪資耆德孰替賢睿謨果躋真亮之聯用究

彌諧之業如范丹陽權人謀於慶曆之際若王臨川持高論於熙寧之初已素協於嚴瞻宜即膺於柄用某迭將使指竦聽制音但竊欣於得興莫趨慶於成履願契沉幾之運益恢遠馭之圖

賀洪參政啓代

熊子復

伏審簡隆嗣聖序陟宗工冢席方虛宜總廟堂之議邊烽既息併顯帷幄之謀播告邇遐聳動觀聽竊以彌綸大政一日至於萬機體貌近司四岳均於百揆或偶虛於袞職則獨決於朝謨是故韓安國長烏府而行丞相之權郭待舉貳鸞臺而典中書之務參替故實委任真賢恭惟參政樞密知院驚代鍾才際天蘊識學通流略而洞視萬古文類盤詰而勒成一家蚤擢異科荐敷華貫膺堯舜父子之眷如彼其專較伊呂伯仲之優於斯為盛教龜禁又資於視草鴻樞更藉於運籌果副民瞻進參國秉使已通於沙漠盜旣掃於潢池清朝告功盡出其儒之略正衙宣制佇登元宰之班某猥冒使華尚需官次迭聞成命喜陶冶之方新退省

孤蹤覺併幪之有託

賀陳參政啓

孫逢辰

伏審誕膺顯冊進服邇僚帝賚良弼而挺生王佐之才天降大任而參秉國成之重茲一德明良之會寶千齡日莫之逢恭惟某官學洞天人精授之原德合言行樞機之要踐揚茲又譽敷架休肆疇論思潤色之工進陟經體贊元之任儀刑四海出納萬微不聞帝圖大釐邦采迨茲朞月與王者不世之仁奚俟百年已著善為邦之効某門墻舊物畎畝餘生猥當三宥起廢之初嘗玷一諾游談之助逖聞休命爵躍固異常人之情竊仰高風鳧趨莫陪下士之列

賀將參政啓

孫逢辰

伏審祗奉璽書進司國柄方賢路逢辰之日政聖心籲俊之初揆羣策以圖勳大張天步進真儒之置輔卓冠巨宗恭惟某官七葉忠孝之門四科文孝之士一朝獨步兩禁先登射聖人之清而使負夫兼秉君子之剛而使枉者直光被贊元之舉員宣扶世之猷自古稱君臣千載遇合之難於今見祖孫五紀蟬聯之盛近繼元符樞筦三事之列遠追東京山亭萬戶之封恭惟馬氏白眉之良行踐王公黑頭之拜如某者年歲遲暮名迹湮淪同鄉社纔數舍之遙在門墻無半面之素繫巨川之舟楫何所不容而夏至之幪幪固無弗獲側聆誕告尤激歡宗曳鄒衍之裾無因至前著祖逖之鞭忽焉在後其為抃躍罔罄占陳

賀王參政啓

林子卿

顯對廷揚登陪國論旒旆益勤於簡注箴裾聳全於儀刑執在本朝威宣遐域恭惟某官斯文所在以道而鳴蘊誠明之學而本乎中庸操經綸之志而見於事業具儒無與其敵岫然在諸公之前天子盡用其言擢之實七人之上荐紆密賧進副師謀惟其當君子大有為之特必能辦羣臣不可及之事師尹赫赫已具隆巖石之瞻齊人章章將盡歸侵疆之舊倚席釣衡之寵赫成彝鼎

之動其辱在下風遠從漕役今頃與諸生之列故喜倍常人之情
若曰知音政流水高山之際如其造化在春風夏雨之中

賀將參政啓

晁子止

對揚宸綽榮貳政機進有德而朝廷尊姦邪敢侮得賢者而邦基
立太平可期華夏固不交驩士民率皆相賀竊以柄輔一象佐斗
極以建時泰階六符應文昌而辨位仰瞻乾度俯驗人謀蓋將參
造化於陶鈞贊彌綸於天地唐宗圖任登庸首命於魏公藝祖用
賢遴選特先於居正矧宣王復古之際委吉甫作相之初易俗移
風方異修明於教化施仁發政力圖安靖於寰區以至理財用以
濟中興明黜陟以勵庶尹考禮定樂折獄明刑自非公選於賢良
曷足參知於機務旁求羣彥果得巨人恭惟 某官挾經文緯武
之材負聳聲壑昂霄之志道德純備器宇端方玉樹瓊枝迥出風塵
之表珠衡犀角允懷冰雪之清其高識遠見足以發明於斯人其
博物洽聞足以考信於往古青雲得路搏九萬之扶搖黑髮重金
盛一千齡之際遇頃從近列浸歷華途飛騰省闈之間參摠樞機
之要名旣與身而俱顯德當借位以兼隆遂簡上心亟參大政方
覩絲綸之渙號已聞朝野之歸心竚正台衡即司槐鼎均調元氣
永底不平某跼促駘駒翱翔蓬翼隕幸同於官守常獲款於歡娛
茲聞進拜之榮但切欣愉之至某偶拘郡紱阻造賓闕竊想一堂
共慶風雲之會輒憑雙鯉聊伸燕雀之私

賀席參政啓

張全真

仰膺綸制入秉政機槐位久虛蓋簡求於宿望嚴敬瞻旣峻實大
穆於師言欣圖任之得人知治安之有日竊以車駕自南巡之後
廟堂深北顧之憂一人嘗膽而念寇讎羣公借箸而決成敗閱時
滋久至計未聞欲陵厲中原而復土疆則敵勢尚強蓋懲車覆之
戒欲逡巡江左而聽天命則國威日損或有陵夷之憂當宁雖屢
興嗟盈庭莫執其外豈中興之業難以速於得志而非常之事未
可輕以屬人故茲黃閣之開宜慰蒼生之望非時英傑孰副倚毗

恭惟 參政厚德鎮浮大猷經遠想宗朝之故老綽有典刑閱當代之名流蔚為領袖雍容禁從密勿忠嘉果膺黼袞之知擢督鈞衡之任方當協成長策宏濟多艱力王室而復神州少快茂洪之志修政事而攘夷狄載賡山甫之章某比以病衰託於輝潤南臺冠豸蚤欣草木臭味之同西省賜環尤見松栢歲寒之操辱知固久歸老有期遯聞除命之頒切倍常情之喜

賀楊參政啓

張文饒

蔽自宸衷參持宰柄天降大任歷三朝而後興志在斯民委萬務而不厭絲綸誕布廊廟增崇竊惟同以為和鄙夫昔以充位周而不比賢者今以致君當乾剛獨斷之辰襲素士言秉征之後羣枉絕去大公顯行有若干陳十年而無拂庶幾丙魏一體以相成坐臻休功可謂盛事恭惟 某官學開治忽道母其隆汚蚤極羣書蔚為多士之冠晚凝庶績雅屬萬民之瞻方退避於險微久自全於明哲日月並照江湖來歸論思禁闥則諒直之志宣潤色皇猷則灑噩之詞著當宁日以重器在廷仰其達尊果繇喉舌之司遂奉股肱之寄公權素行不數日以移風伯起家當四世而載德其濫分外闡方託洪鈞簪橐同趨尚想金華之對摺紳相慶莫陪沙路之塵永言傾瞻實倍倫等

賀錢參政啓

伏審寵頒命冊褒進宗工陪鉉席之贊元官儀既正併機廷之經武國勢增隆朝野交歡華夷咸賴竊以文武二柄並用惟久明良一體相須乃成方內穆於政經更外清於戎索苟非傑異曷副疇咨恭惟 參政樞密知院曠代充才際天緼識發縱指示嘗顯幕府之權謨明弼諧方贊廟堂之畫師干所指騎塙俄清宜應恭階之六符纔差丞相之一等昔天聖內翰竟不陞二府之職而乾興元樞未嘗預三省之政茲已光於先正矧即拜於上台由階而升可拱以俟某夙叨臨遣行即代還上策禦戎將見五兵之戢大鈞播物尚霑四牡之來

賀王參政啓

熊子復

伏審輟營邊瑣擢贊廟謨長爭臣之七人久隆上眷丞相之一等進繫民瞻體貌方新陞廉增重竊以河北甫定明文烈遂參於政機陝西略平龐莊敏亦貳於國秉茲本朝之盛事皆當代之偉人經營雖見於長才論諫未聞於大節求之先正無若范公明道立朝聲危言而悟主慶曆奉使據妙略以禦戎及一朝寵進之崇故四海恨用之晚曠古今而僅有邈前後以相望恭惟參政直道儀朝遠猷經世夙被光堯之眷存膺分陝之權班既列於從塗簡益堅於嗣聖參華計省無錢穀之問至廟堂振藻詞林有書札之文賜方國逮甄流品更總銓曹旋陞正諫之職出護安邊之帥內清朝序姦邪讒佞欺負皆已除外壯軍容障戍鎮守干戈果自治亟垂睿想還翊化鈞方今使雖遣而威靈未宣敵尚窺而要領未得雖和親征伐但歸兩科而輔贊彌縫要藏諸用願進顯於魁柄用光啓於洪圖其猥戒輕軹阻趨崇仰窺勝筭喜根本之既彌退省孤蹤覺帡幪之有託

賀洪參政啓

鄭日乃

光奉制書進陪國論樞庭獨步方承晝日三接之光政路同寅已動泰階六符之色人心閭懌海宇清明恭以某官靜和而粹夷宏深而簡遠度量包世地負海涵道德照人日光玉潔爰膺妙柬出應昌期正謀邊瑣之虞果預使瓊之選深為國計長三表五領之不施逆料虜情知十餅九將之可下用權活法密贊沉幾大計定而主聽不搖佳兵寢而民生自厚惟其純用詩書之力所以優為道德之彊既得其人宜委以國統晉治道之極致必在華夏蠻貊之舉安考仕塗之甚榮罕見父子兄弟之迭起邊陲靜謐門宇燁煌自非內百姓而外四夷何以身美名而君顯號旂常有紀天地無窮其竊伏冗僚欣聞異數屬尊皇帝綜核庶政常憂稱職之未能若周公阜成兆民願繼考工而有作

賀施參政啓

任子方

眷求舊德允諧選衆之公參豫政機式賴同心之助側聞休命倍
集權悖竊以六符位於泰階雖正公台之象四輔拱於北極亦分
政弼之司蓋機務之浩煩緊謀謀之協濟必有恢廓老成之士共
圖光明俊偉之功用簡清衷宜歸雅望恭惟 某官道躋民極業
揔天常沉毅剛方有東都之氣節溫恭忠厚擅西漢之文章入踐
華聯益騰茂實揔銓衡之選授咸仰題評贊鈞軸之陶甄果諧登
進必將盡行其所學遂以大慰於斯民增貴昌期茂隆遠業其孤
蹤不振弱植無依假守縉雲曾賴吉新之益溯風蜀道欣聞圖舊
之良慶謁未遑瞻依再劇

賀知樞

賀葉知院啓

晁之道

伏審外奏膚功中疏顯渥乃眷樞機之元德夙資帷幄之深謀宜
腆葆章用光成績惟聖賢之會遇極簡策之尊榮慶動搢紳
威加夷虜恭惟 樞密知院師表當世弼亮熙朝發揮孔子孟之精
微振起臯鼈之事業內昭王度百志所以惟熙外暢天聲九鼎爲
之增重惟涅中之新境實隴右之故封物產夥繁地居險阨武帝
遂通三十六國之遠素號喉襟充國請糴數百萬斛於茲可知沃
壤麻茂守之以制虜名將繇是而折衝神考御天不忘恢復秦陵
繼志乃克綏懷紛異意以中更舉成功而外棄神蓄亡胡之憤人
懷歸漢之恩載軫淵衷式資碩輔灼見萬全之策亟收一舉之功
壺漿在途牛馬布野歸實同於縱壑勢蓋易於建瓴用能旬月之
間盡復犬羊之衆近觀鄙虜已知係頸之期旁轍夏巢無復游魂
之計再收妙略增貴昌期宜荐錫於寵光川益昭於賢業某夙蒙
異寵久負空殫乘障荷戈不預虎貔之列策勲飲至莫陪鴛路馬之
羣側聽詔除阻修賓謁雖斬弱植倍極歡悰

賀胡參政除知院

恭審朝放顯冊位正元樞得君如彼其專既有以答諸大夫之
望在廷無出其右是宜峻居三執政之先國執尊安戎心震疊

恭惟 知院樞密相公發大道於不傳之妙振斯文於將墜之時泰山喬嶽之尊挺然特立和風慶雲之瑞溫乎可知壽皇特遺於 嗣皇自禁路亟登於政路精會神聚見於都俞吁咈之間謨明弼諧藏其輔贊彌縫之用又疇咨於左轄遂升冠於右廷逆揣 上心實關至慮與其差丞相之一等政幾收修輔之功孰若幹天樞之萬兵道德有威強之效雖甲兵之間久已不至然疆場之事當當戒不虞有道而守四夷天子方恢於遠馭運籌而勝千里明公蓋繼於前良人所共期時亦易失蚤建非常之聞旋膺爰立之求某十載門墻一麾江海託方間之廣厦倍有歡欣搏一氣之洪鈞敢希造命

賀虞知院啓

宋 仲山

伏審誕敷綸制入典樞機惟惟莫重於本兵謀謨必資於緯武威加夷夏慶動摺紳恭惟 樞密知院器識光時才猷適變道德之學洞昭於幾微忠謹之風聳聞於朝野中惟讒謗旋陟遂嚴居多入告之嘉猷益挺不回之勁節果符輿頌進服巖廊采觀竒偉之功增貴明昌之運某久塵委使素辱知憐

賀虞知院啓

洪 景玉

伏審帝懷舊弼國拜元樞乾坤清夷久息干戈之役夙夜宥密首當帷幄之籌播告邇遐竦動觀聽竊以交鄰有道本聖主之洪摹制勝無形賴真儒之竒策矧是機廷之長寔均揆席之尊方嗣皇獨運於朝綱非耆哲孰專於廟筭恭惟 樞密知院道關百聖功蓋兩朝持正論如執玉之堅斷大謀若轉圜之易即江中而破虜勝謝元淝水之勳臨漢上以揔戎過羊姑峴山之績逮進陪於鈞軸仍兼運於韜鈴果致要荒再尋明璽方具瞻於巖石俄勇退於急流亟興丹袞之思復佐清朝之治暫本兵柄績成偃伯之休旋秉國均茂建格天之業某猥乘輶傳述望素符茲聞成命之頒寔陪常情之喜萬間廣厦幸已庇於幘幪一氣洪鈞願永陶於垓北

賀樞貳

賀富副樞啓

孫仲益

茂確帝訓進貳樞庭既登奕世之賢蓋重本兵之地恭惟 某官挺祖風烈為世英豪久隆佐國之謀實副象賢之意氣折強虜推先正茂鼎彝之勳志在安邦資沉幾運帷之議繼家聲之烜赫拯國步於艱難是宜宥密一堂折衝千里王威敷暢永無內侮之侵凌士氣激昂庶盡殊鄰之俶擾某謬膺郡寄欣觀綸言三幅八行曷罄書辭之悃九州四海用慶朝廷之尊

賀王副樞啓

孫仲益

伏審帝夢發祥上心虛竚誕膺顯冊進貳中樞竊以章句之儒類優柔而不武介冑之士亦椎鈍而少文蓋藝之至不兩能惟天所賦有偏得惟是文武憲邦之任實符宥密基命之求端委一堂折衝萬里論兵投筆之後賦詩橫朔之間制挺捷強秦之兵請纓繫單于之頸用宣威於道德式注意於安危恭惟 樞密躬不世出之才佐大有為之治論詩書於馬上方草奏篇得頗牧於禁中遂司密命盡古今不可兼之美值聖賢所難遇之時廷號初傳嚴瞻推允厭未形之難坐籌玉帳之竒建非常之功行佇衮衣之拜某聞命而喜固異常情受知之深實契榮願致小夫竿牘之禮或以為煩懷大臣教載之恩不能自已

賀鄧副樞啓

晁之道

伏審光被宸綸榮參樞柄聖神圖治痛宗社之多艱賢哲奮庸覺朝廷之增重恭惟 某官天資高邁風度粹夷學壇名家極羣書之浩博文高華國掩衆作之深醇蚤冠英躔荐更劇任嘉謀偉器進當旒袞之知素履清名允協簪紳之論果膺妙簡遂贊洪機端委廟堂而為準於百寮已歸重望運籌帷幄而決勝於千里竚紀殊勳某頃獲接於清規茲復依於巨陰行借游談之助俾從佚老之歸草木亦知威名會見折箠以制羗胡之命黍稷以供餘稅固將擊壤以追田父之歌屬拘職於印章敢投誠於竿牘方隆倚注益輔粹和

賀林副樞啓

范西叔

伏審顯拜宸恩參陪機柄惟是本兵之地必資同志之良凡與交從尤深慰愜伏惟 其官秉心直亮毓質淵源學造古人之全名收天下之重歷典藩要漸躋禁林選掄初自於先朝圖任益隆於嗣聖矧中樞之宥密首近位之論思文武道同仰助璿璣之運雨暘時若共臻玉燭之和某素接班聯久欽德誼不獨士林之屬望固惟朝家之得賢驩欣之誠悃悞難叙

賀將副樞啓

唐子西

誕敷明命擢貳鴻樞世稔服於重名人共欣於顯拜恭惟 其官才高康濟志切經綸文章秀發於妙齡器業養成於晚節中外荐更之久所守益完縱橫應變之材無施不可出而頗牧入則御雲先帝深知欲大用而未果嗣皇優眷遂圖任而無疑召還自外而歸直禁林曾未閱時而延登右府參裁機政寧牧邦猷朝廷取決於坐籌邊鄙折衝於燕俎君臣千載孰窺造膝之謀冠帶百蠻行見止戈之武某側聞除目阻遠鈞嚴莫申賀履之私永愧登門之舊

賀趙副樞啓

秦少游

光膺眷命進貳鴻樞伏惟慶慰恭以 其官器猷宏博學術精微敏識照於未然奇節見於已試犯顏逆耳屢輸汲黯之忠別嫌明疑力折董宏之妄進退周旋而可度艱難險阻而不渝俄被召以旋歸遽下霄而直上粵自卿曹之貳進陪樞莞之崇邸音播騰士論欣快亟聞趙武越四等以將上軍行見千秋以一言而取宰相某叨分符節云云

賀沈副樞啓

許次思

宸綸播命宥地登賢嚴朝益尊增煥斗牛之野蠻夷震疊懼騰貔虎之師允蒞比寐孰不鼓舞 其官才高經緯識造幾微傳聖人之道而期於力行通當世之務以為於已任無蚍蜉蟻子之援歷鈞天帝所之遊貳事省聯制邦財於強富修辭史館納王法於婉

微成績炳然貴名籍甚以文武兼資之器會君臣一德之符爰進
貳於國樞遂密參於廟筭方聖主大有為之日實上臣挾遠略之
秋必將眾建時髦兼收羣策指蹤諸將坐成第一之勳紀石燕然
共際半千之運即正金甌之拜永調玉燭之和某乘部無堪登門
有舊馳心大復莫據燕雀之私投翼深林庶遂鷦鷯之許

賀陳同知啓

伏審輟總銓平擢躋樞近邊鋒久息益恢宥密之圖宰府初開併
贊經綸之務郵傳四出朝論一新竊以帝王輔弼之臣要須並建
文武施張之道允屬兼資方顯戎索之疆更貳國鈞之秉卓為異
數併授直賢恭惟 樞密同知參政氣勁而量闊軀冲而韻粹榜
登龍虎甲四海之諸儒履上星辰冠六聯之常伯况長策蚤施於
邊瑣而遠圖密契於宸旒朝廷推德業之尊將帥仰威名之重果
膺命冊進筮事樞舜有五臣伯益贊舞于之化漢用三傑子房專
筮許幄之功屬綜核於羣工兼弥縫於庶政參百揆四岳之列既任
彌諸德三台六府之躔停當燮理某叨居省闈獲備官寮茲承新
渥之除實倍羣情之喜仰窺妙筭諒開闔之難名退省孤蹤覺悵
幪之有託

賀劉同知啓

伏審簡自九宸柄于二府摛文內禁久已預於密謀績武中樞進
遂當於大任郵傳四出廟筭一新切以舞干戚而解圍蓋无是理
籌帷帷幄而決勝必有當才矧參翊於神機宜妙疇於邦傑若草文
簡拜於景祐之際如吳正肅命於慶曆之間進皆自於變城秀仍
鍾於建水雖今僅見振古罕聞恭惟 樞密同知道際兩朝功傳
三世得鰲林之頰牧頃殿藩宣赴鳳沼之憂龍復躋華要果顯兵
柄遂陟政塗總攬權綱事雖由於獨斷運動樞極時止賴於同寅
某幸託餘輝欣傳異渥道古今而譽盛德敢効私諛進英雋以彊
本朝願符眾望

賀林同知啓

劉子駒

伏審光膺制命榮贊樞庭凡被鈞陶率同鼓舞恭惟 某官嘉謀
經國粹行表時文章究六藝之淵源問望聳一朝之風采貫古問
學該今典常依日月之光華乘雲龍之亨會國是既定民瞻益深
果由喉舌之司進陟樞機之任綏禦每資於長筭猷為豈屑於近
功金石著勳彝常紀德聊居右府即踐中台某辱知己之既深輒
忘言而申序方棲仁蔭徒深燕賀之誠莫展慶儀不預鳧趨之列
載惟抃詠曷既敷宣

賀葉同知啓

孫正之

伏審對揚休命入秉事樞聖主御圖撫九五中興之運大賢命世
偕二三同德之臣廷渙甫傳嚴瞻惟允恭惟 樞密同知訐謨經
遠雅量鎮浮好直有叔向之言養氣得孟軻之勇嬰龍鱗而摩上
獨懷蹇蹇之忠冠多角而觸邪詎作容容之計萬夫之望想聞於
風采一國之慕具載於歌謠果膺帝輔之求式受本兵之寄經術
之士進而名器重道德之威立而朝廷尊天子守四夷正樞筦運籌
之日人主論一相示鈞衡爰立之期某分違二紀之餘追惟一日
之雅側聆大用倍激權綜繫四方人物之英舉欣欣起執鞭之慕
而一老門牆之舊已駸駸向墳壑之時俯深賀燕之私徒有羨魚
之歎

賀張同知啓

林 豈塵

寵膺策制擢貳樞庭國之將興眷直臣之在位人惟求舊登元老
以壯猷四方傳聞九鼎增重恭惟 某官擎天柱石許國耆龜吾
道以為指南斯文之所寄命備更天下之故自結人主之知頃登
要津即契真宰會公孫方貴用事故長孺不得久留挺寒松之姿
而晚操彌堅蘂秋蘭之馨而久幽不改惟睿后闢簡賢之路而清
朝無嫉能之臣起我公齟齬未合之中據士夫鬱結不平之氣謂
東宮之位宜早定尚何待周昌之爭以累朝之君不欲言遂固有
魏篡之請雖咫尺被葑旒之寵然毫釐輕軒冕之榮丹墀暫輟於
咨諏琳館旋便於間燕屬重明之麗正圖書德以彌諧首煩留鑰

之司遽下召環之賜運機軸而九重密贊坐帷幄而萬里折衝外
朝衣冠覩絲綸而相賀窮途鱗甲失匕箸以自敬駕亟登泰階兩兩
之符式慰維石巖嚴嚴之望其身廢遠嶠迹托洪鈞聆成命之載揚知
中興之可俟德尊黃髮當遂策尚父之元勳身伴赤松未許學
留侯之故事